



Ayat Suci Minggu ini

1 Raja-Raja 3: 5, 7-12
Mazmur 118: 57, 72,
76-77, 127-130
Roma 8: 28-30
Matius 13: 44-52 (atau
13: 44-46)



NOTIS PERPINDAHAN

Dimaklumkan bahawa
mulai 15 Julai 2026,
Institut Pastoral
Keuskupan Agung (API)
akan berpindah ke Gereja
Sacred Heart of Jesus,
Jalan Peel, Kuala Lumpur
berikutan kerja-kerja
pengubahsuaian di Pusat
Pastoral Keuskupan
Agung (APC).
Perpindahan ini akan
berkuat kuasa sehingga
dimaklumkan kelak.

Untuk sebarang
pertanyaan, sila hubungi
kami di: **016-366 9461**

EDARAN DALAMAN SAHAJA
BUL 30/2026

Apakah yang akan kita minta daripada Tuhan sekiranya kita berada di tempat Raja Salomo? Daripada meminta kekayaan, kuasa atau umur yang panjang, Salomo meminta kebijaksanaan, iaitu kemampuan untuk membezakan antara yang baik dan yang jahat. Tuhan sangat berkenan dengan permintaan yang rendah hati ini dan mengabulkan permintaannya, suatu anugerah yang benar dan bernilai kekal. Kebijaksanaan yang sejati bukan sekadar pengetahuan, tetapi kemampuan untuk hidup menurut cara Tuhan. Kebijaksanaan mengajar kita menghargai perkara yang benar-benar penting: kasih, keadilan, belas kasihan, serta kepedulian terhadap sesama dan rumah kita bersama.

Santo Paulus, dalam Bacaan Kedua, meyakinkan kita bahawa segala sesuatu bekerja untuk kebaikan mereka yang mengasihi Tuhan. Kita dipilih dan ditentukan sejak semula untuk bertumbuh menjadi serupa dengan Kristus. Perubahan ini berlaku apabila kita membiarkan rahmat Tuhan membentuk hati dan tindakan kita. Datuk nenek dan warga tua kita sering menjadi saksi kepada hal ini melalui kesetiaan yang sederhana, kesabaran dalam penderitaan dan kepercayaan kepada Tuhan dalam setiap musim kehidupan.

Dalam Injil, Yesus mengajar tiga perumpamaan daripada alam dan kehidupan harian, iaitu harta yang tersembunyi di ladang, mutiara yang sangat berharga dan pukat yang mengumpulkan pelbagai jenis ikan, untuk mengajar tentang Kerajaan Allah. Seperti petani yang menghargai tanah yang subur, atau nelayan yang menyusun hasil tangkapan dengan teliti, kita dipanggil untuk mengenali apa yang benar-benar bernilai dan membuat pilihan dengan bijaksana. Kerajaan Allah lebih bernilai daripada segala harta duniawi, dan kita dijemput untuk mencarinya dengan sepenuh hati.

Perumpamaan tentang pukat juga mengingatkan kita bahawa, seperti gandum danalang dalam Injil minggu lalu, kebaikan dan kejahatan wujud bersama di dunia ini. Tuhan dengan sabar memberi manusia masa untuk bertaubat dan kembali kepada-Nya. Sebagai murid-murid Kristus, kita dipanggil untuk menjadi penjaga ciptaan dan komuniti, menabur benih kebaikan, melindungi alam sekitar dan mewariskan nilai iman serta tanggungjawab kepada generasi akan datang.

Semoga kita belajar daripada kebijaksanaan warga tua kita, menghargai ciptaan Tuhan dan mencari terlebih dahulu harta Kerajaan Allah.✠

Diterbitkan oleh: Archdiocesan Pastoral Institute (API) | Emel: api@archkl.org

NEWBEC

NEW WAY OF BEING CHURCH | Hari Minggu Biasa Ke-17 | 26 Julai 2026
Hari Sedunia untuk Datuk Nenek dan Warga Emas

BERJALAN BERSAMA KE ARAH SEBUAH GEREJA SINODAL DAN PROFETIK

Umat Untuk Pemuridan Misionari

FOKUS BULANAN:

EKOLOGI: Penjagaan Rumah Kita Bersama



Mewariskan Kebijaksanaan, Melindungi Rumah Kita Bersama

Kami mengucapkan selamat kepada semua datuk nenek dan warga tua sempena Hari Sedunia untuk Datuk Nenek dan Warga Emas ini. Kami berterima kasih kepada mereka atas kasih, pengorbanan dan bimbingan mereka. Melalui cerita, doa, tradisi dan pengalaman hidup mereka, ramai antara kita telah belajar nilai iman, ketekunan dan rasa hormat terhadap ciptaan Tuhan. **Seperti penjaga yang baik yang memelihara bumi, datuk nenek dan warga tua telah mengajar kita untuk hidup secara sederhana dan menghargai berkat alam semula jadi.**